

ԽԵ կոյս ապաշխարող աղջկունք գերի առին և Թաւրիզու մինչև յԱրզրում գեղօրէքն ի փախստի են ի լերինս վասն երթեկողացն. Արզրում սղութիւն հացի գոյ և հարկապահանջութիւն. բայց առ և տուրն լաւ է, շատ հոք չեն քարշեր: (Ներսէս քահանայ Կարապետեան Բաղեշցի առ Մ/ս. Արքայ. 1726 Սեպտ. 1. ի Կոստանդինուպօլիս):

Ի.

Յայտ լիցի սիրով, զգիր վերապատելութեանդ ընկալայ, և զի որպէս լուայ ի քէն, թէ հարուած ժանտամահութեան գոյ ի Կոստանդնուպօլիս և յայլ տեղիս ներ տէրութեան տաճկաց, նոյնպէս և աստ լաւք, թէ շարժ մեծ եղեալ է ի Փալերմա, և աւելի քան զՌ. անձինս մեռեալք են կործանմամբ շինւածոցն: Նաև գոյ կասկած խռովութեան և պատերազմի ներ իշխանացն արևմը տականաց: (Յօնան Կպս. Սեպտուտիոյ առ Մ/ս. Արքայ. 1726 Սեպտ. 21, ի Փօնրէսխարն [Հռովմ]):

Իս.

Վրդանէս եպիսկոպոսն մին փառաւոր յարգութեան և շնորհաւորութեան գիր գրեաց առ Կարապետ կաթողիկոսն, մին ոսկի միտալ որ արժէր 9 ուսկոթ, և զայլս 2 միտալս արծաթեայ. և յանձն առաւ յայս էնկիւրեցիս [Կիրակոս], որ անմիջապէս իբրու դեսպան գնալոց է և յանձամբն մատուցանելոց է գլխեցեալս առ կաթողիկոսն Հայոց: Եւս զայս իրս շատ ժամանակ էր որ յորքան խօսս հանդիպէր, ասէի եպս.ին. ահա պատշաճ ժամու եղև. յուսով բարւոյ վաղճանի: (Պաղտաւսար քահանայ Արքանաւեան [Տիգրանակերտցի] առ Մխիթար Արքայ. 1727. մարտ 19, ի Հոռմ. յեկեղեցոյ Հայոց):

Իր.

Սուգիաս եպիսկոպոսն ողջունէ զքո հրամանքն, և ունի զայս ի մտի, այսինքն, խնդրել ի քէն զԲ քահանայ կրօնաւորս՝ ինքեան օգնական ի հոգևոր գործողութիւնս, քանզի է խոստովանահայր ի սուրբն Պետրոս հաստատուն վճռիւ, և այն ջանացաւ առնել անամբ կարգի օրբոյն Անդօնի, մի գուցէ ընդ պակասիլ եպիսկոպոսացն հայոց, կորուսցեն հայք գտեղին զայն, զոր աշխատանք բազմօք հազիւ ընկալան: Երկրորդ՝ կալաւ զպաշտօն ներհմտացուցանելոյ զմանկունս ի գիր, ի լեզու, և ի ժամակարգութիւնս հայոց ի գօլէջն, շաբաթն Բ անգամ, գնալով անդ զկնի միջօրէին: Երրորդ՝ կալաւ վերջապէս զհոգաբարձութիւն Ս. Մարիամ Եփաթացւոյն, ունի և զպաշտօն խոստովանահայրութեան ի նմա, և զիտաւորութիւն մերն է՝ ձգել զփրկաւէտ պաշտօնքս զայսօսիկ ի ձեռն կրօնաւորաց համեստաբարոյից և զփառս Աստուծոյ խնդրողաց, ևս առաւել անմահ գոլով կրօնն, ոչ տեղն կորուսանի, և ոչ պաշտօնեայն հաւատարիմ պակասիցի: Աստ՝ տեղ և պաշտօն ունիլն է ձեզ ևս յոյժ օգտակար, զի թշնամիքն խորշելով՝ ոչ համարձակին այնքան արձակօրէն չարախօսել, և այլն: (Յօնան Կպս. Սեպտուտիոյ առ Մ/ս. Արքայ. 1727 Նոյեմբ. 22 [Հռովմ]. ի Ս[անբա]. Մ[արիա] Ե[գիպտացի]):

Իգ.

Ի թօխաթ մինչև ցայժմ՝ ոչինչ մարմնական արդիւն եղև. աստ ևս կարծեմ թէ սակաւ լիւնելոց է, զի զբազումս տուգանս վասն հալածանաց տուեալք են, և զծանր հարկս և զհասկս ի պատճառս շարժեցման զօրացն, և զի յաւուր Ծննդեան Տեառն ևս միայն զԲս[= զերկուս] պատարագս հազիւ կարացեալ առնել, զի տակաւին ի Բոզնիկ էի (զի նախ անդ իջևանեցայ, և զկնի 20 աւուրց ապա գնայի բռնութեամբ քաղաքացւոցն ի քաղաք) վասն զի յայնմ գիշերի 2000 զինուորք իջևա-